

Engelfredus, Ardericus iuris causidici, Wecili, Arduinus Palude et Tisus et reliqui plures, ibique in istorum presencia veniens domnus Faletrus abas sanctę trinitatis et sancti Michaelis archangneli¹ de loco Brundolo, qui esse videtur infra regnum Uenecie, rogans domnum imperatorem, ut propter deum animeque sue suorumque parentum mercedem bannum imponeret super illum et super iam dictum monasterium et in cunctis bonis predicti monasterii tam mobilibus quamque immobilibus casis terris salinis seu familiis, tam quod nunc habet aut inantea habiturus est. Cumque ita mercedem postulasset, illico per iudicum consilio, qui ibi aderant, et per fustem, quem in manu sua tenebat, bannum inposuit supra iam dictum domnum Faletrum abatem et supra iam dictum monasterium et in cunctis rebus eius seu villis, nomina quorum hic subter leguntur: in comitatu Patavensi et curte qui dicitur Baniolo cum capellis et cum omni suorum pertinentiis et casis silvis terris cum paludibus et aquis piscationibus et omnibus rebus, que iacet in finibus Montegutero et in Galzegnano et in Rouolone et in Agna et in Uico Cerboni et in Montesilice et in Tribano et in Anguilaria et in Cona, et in comitatu Taruis[an]ense² in finibus Sacisica in vila Capuduico, in Arosaria, in Melaria, in Argere et in pleve Canni et Fugulani et iuxta fluvium Sile locus ubi dicitur Turre et est tercia porcio de villa et de terris et de castro qui dicitur Cendone, et in civitate Senegalia et in toto comitatu suo, et in monasterio sancti Enesti et in omnibus aliis locis ubicumque fuerit inventum de rebus iam dicti monasterii, tam quod nunc habet aut inantea deo propicio iuste adquirere vel laborare³ potuerit, in pena librarum auri centum, ut nullus quislibet homo neque comes neque episcopus neque vecedominus¹ neque gastaldius neque deganus audeat iam dictum domnum abatem et monasterium et homines suprascripti monasterii et omnes res suas molestare aut causare vel disvestire sine legali iudicio. Qui vero hoc bannum fregerit, siat¹ se compositurum predictas libras auri centum, medietatem camere domni imperatoris et medietatem in predicto monasterio et in abate et suis succesoribus¹ aut pars ipsius monasterii. Et hec noticia facta est propter securitatem suprascripti monasterii et iam dicti domni abati suisque rebus. Factum est hoc anno

1) A. 2) Die eingeklammerten Buchstaben sind ergänzt: das Pergament ist hier durchlöchert. 3) 'vel laborare' über der Zeile nachgetragen.